

Na osnovu Odluke Vlade Bosansko-podrinjskog kantona Goražde o davanju saglasnosti na „Program podrške razvoju privatnim preduzećima i poduzetnicima sa područja Bosansko-podrinjskog kantona Goražde za 2023.godinu“ .broj: 03-11-1638/23 od 17.08.2023. godine, i Odluke o davanju saglasnosti na Program o izmjenama i dopunama programa podrške razvoju privatnim preduzećima i poduzetnicima sa područja Bosansko-podrinjskog kantona Goražde za 2023.godinu, broj: 03-11-1779/23 od 07.09.2023.godine, Ministarstvo za privredu Bosansko-podrinjskog kantona Goražde raspisuje:

JAVNI POZIV

za odabir korisnika sredstava za finansiranje po „Programu podrške razvoju privatnim preduzećima i poduzetnicima sa područja Bosansko-podrinjskog kantona Goražde“ i Programa o izmjenama i dopunama programa podrške razvoju privatnim preduzećima i poduzetnicima sa područja Bosansko-podrinjskog kantona Goražde za 2023.godinu

I PREDMET JAVNOG POZIVA

Predmet Javnog poziva je prikupljanje prijava, apliciranih putem aplikacione forme za dostavljanje prijedloga projekata, za odabir korisnika sredstava po „Programu podrške razvoju privatnim preduzećima i poduzetnicima sa područja Bosansko-podrinjskog kantona Goražde“ i Programu o izmjenama i dopunama programa podrške razvoju privatnim preduzećima i poduzetnicima sa područja Bosansko-podrinjskog kantona Goražde za 2023.godinu. Sredstva su planirana u Budžetu Ministarstva za privredu Bosansko-podrinjskog kantona Goražde za 2023. godinu, na ekonomskom kodu 614500 - Subvencije privatnim preduzećima i poduzetnicima, u visini od 90.000 KM.

II NAZIV POSEBNOG CILJA PROGRAMA,

Poseban cilj 2.- podrška privrednim subjektima kroz sufinansiranje nabavke opreme i sredstava za rad neophodnih za obavljanje registrovane djelatnosti

Iznos koji je planiran po ovom cilju je 40.000 KM

U okviru ovog posebnog cilja podrška će se pružiti u vidu sufinansiranja troškova vezanih za nabavku mašina, alata i ostale opreme neophodne za obavljanje registrovane djelatnosti, IT opreme i softvera (ukoliko je neophodna za registrovanu osnovnu djelatnost).

Iznos sredstava koji može biti zatražen po ovom cilju je u rasponu od 5.000 KM do 10.000 KM.

Na ovaj poseban cilj aplicira se isključivo putem aplikacione forme za projekte (iz biznis plana).

Poseban cilj 3. - Start UP podrška za prvu registraciju djelatnosti u 2023. godini

Iznos koji je planiran po ovom cilju je 30.000 KM

U okviru ovog posebnog cilja obezbijedit će se subvencija za start UP podršku prve registracije djelatnosti, u cilju otvaranja novih radnih mjesta i unaprjeđenja djelatnosti na prostoru Bosansko-podrinjskog kantona Goražde.

U okviru ovog posebnog cilja podrška će se pružiti u vidu sufinansiranja troškova vezanih za prvu registraciju djelatnosti (troškovi taksi, advokatske usluge, troškovi kopiranja i ovjeravanja dokumenata, izrada pečata i računovodstvene usluge, troškovi nabavke mašina, alata i ostale opreme neophodne za

obavljanje registrovane djelatnosti.mašina za proizvodnju, IT opreme i softvera neophodnih za registrovanu osnovnu djelatnost).

Iznos sredstava koji može biti zatražen po ovom cilju je u rasponu od 3.000 KM do 8.000 KM.

Na ovaj poseban cilj aplicira se isključivo putem aplikacione forme za projekte (iz biznis plana).

Poseban cilj 4. - Podrška poslodavcima za stručno osposobljavanje učenika kroz praktičan rad

Iznos koji je planiran po ovom cilju je 20.000 KM

Ova vrsta podrške odnosi se na podršku poslodavcima koji će uz stručne škole implementirati zajednički projekat kojim bi se uz postojanje uzajamnog povjerenja i saradnje osigurala kvalitetnija radna snaga kao i rast interesa za upisom u stručne škole, odnosno omogućila bi se bolja orijentacija kod učenika.

Iznos sredstava koji može biti zatražen po ovom cilju je u rasponu od 2.000 KM do 5.000 KM.

III KRITERIJI

Kriteriji za izbor projekata :

Prioritetne aktivnosti i mjere za učestvovanje u Programu u okviru **drugog** posebnog cilja su:

- Sufinansiranje troškova vezanih za nabavku mašina, uređaja i ostale opreme neophodne za obavljanje djelatnosti.

Prioritetne aktivnosti i mjere za učestvovanje u Programu u okviru **trećeg** posebnog cilja su:

- sufinansiranja troškova vezanih za prvu registraciju djelatnosti (troškovi taksi, advokatske usluge,troškovi kopiranja i ovjeravanja dokumenata,izrada pečata i računovodstvene usluge;troškovi nabavke mašina,alata i ostale opreme neophodne za obavljanje registrovane djelatnosti,mašina za proizvodnju, IT opreme i softvera

Prioritetne aktivnosti i mjere za učestvovanje u Programu u okviru **četvrtog** posebnog cilja su:

- sufinansiranje troškova za nabavku repromaterijala, za isplatu dnevnica učenicima ili za isplatu plaća, putnih troškova, osiguranja u slučaju povrede na radu kao i druge troškove koji se odnose na projekat učenika koji su na praktičnoj nastavi.

IV KORISNICI SREDSTAVA

Korisnici sredstava:

- poslovni subjekti koji ispunjavaju opšte i posebne uslove predviđene Programom,
- poslovni subjekti koji su uspješno završili proces apliciranja, selekcije i evaluacije i koji su uspješno rangirani za korištenje sredstava iz ovog Programa.
- poslovni subjekti koji registrovani u skladu sa Zakonom o privrednim društvima i imaju rješenje o registraciji koje je izdao nadležni organ te da im je prebivalište (registracija) na prostoru Bosansko-podrinjskog kantona Goražde,

- poslovni subjekti koji su dostavili izjavu da će se baviti registrovanim djelatnošću i srodnim djelatnostima, minimalno tri godine od momenta dodjele sredstava po ovom Programu,
- poslovni subjekti koji pokreću novu djelatnost u 2023.godini
- poslovni subjekti koji imaju zaključene Ugovore sa srednjim školama sa područja Bosansko-podrinjskog kantona Goražde za stručno osposobljavanje učenika

V PRAVO UČEŠĆA

Pravo učešća po ovom Javnom pozivu imaju svi poslovni subjekti koji ispunjavaju opće i posebne uslove u skladu sa Programom i koji su navedeni kao potencijalni korisnici sredstava u okviru svakog posebnog cilja.

VI SADRŽAJ PRIJAVE ZA UČEŠĆE NA JAVNOM POZIVU ZA DODJELU FINANSIJSKIH SREDSTAVA

Prijava mora biti urađena sadržajno po zahtjevanim elementima iz aplikacione forme i u skladu sa procedurama apliciranja navedenim u „Programu podrške razvoju privatnim preduzećima i poduzetnicima sa područja Bosansko-podrinjskog kantona Goražde“ za 2023.godinu.

Uz aplikacioni obrazac potrebno je dostaviti:

Za drugi cilj:

- Rješenje o registraciji sa svim pojedinačnim priložima;
- Uvjerenje o izmirenim obavezama od poreske uprave;
- Uvjerenje o izmirenju obaveza PIO/MIO sa podacima o broju prijavljenih radnika;
- Uvjerenje da odgovorna osoba u posljednjih 5 godina nije osuđivana u sudskom postupku za kršenje zakona u smislu poslovnog ponašanja;
- Uvjerenje da nije pred stečajem ili likvidacijom;
- Potvrda o otvorenom žiro računu ili ovjeren Ugovor zaključen sa bankom;
- Izvještaj o finansijskom osiguranju (bilans stanja i bilans uspjeha za prethodnu godinu);
- Izjava da račun nije u blokadi;
- ID broj;
- Obavještenje o razvrstavanju pravnog lica po „Klasifikaciji djelatnosti Bosne i Hercegovine 2010“.

Za treći cilj:

- Rješenje o registraciji;
- Potvrda ili Ugovor o otvorenom računu;
- Biznis plan;
- Računi, uplatnice, izvodi ili dokazi za druge troškove nastale prilikom otvaranja djelatnosti.

Za četvrti cilj:

- Rješenje o registraciji sa svim pojedinačnim priložima;
- Uvjerenje o izmirenim obavezama od poreske uprave;
- Uvjerenje o izmirenju obaveza PIO/MIO sa podacima o broju prijavljenih radnika;
- Uvjerenje da odgovorna osoba u posljednjih 5 godina nije osuđivana u sudskom postupku za kršenje zakona u smislu poslovnog ponašanja;
- Uvjerenje da nije pred stečajem ili likvidacijom;

- Potvrda o otvorenom žiro računu ili ovjeren Ugovor zaključen sa bankom;
- Izvještaj o finansijskom osiguranju (bilans stanja i bilans uspjeha za prethodnu godinu);
- Izjava da račun nije u blokadi;
- ID broj;
- Obavještenje o razvrstavanju pravnog lica po „Klasifikaciji djelatnosti Bosne i Hercegovine 2010.
- Zaključen Ugovor sa srednjom školom o stručnom osposobljavanju učenika.

Prijave koje nisu podnešene u skladu sa procedurama apliciranja navedenim u „Programu podrške razvoju privatnim preduzećima i poduzetnicima sa područja Bosansko-podrinjskog kantona Goražde za 2023.godinu“ bit će odbijene i neće biti predmet daljeg razmatranja komisije za izbor korisnika sredstava. Sva priložena dokumenta moraju biti izdana od strane nadležnih organa.

Sve priložene kopije dokumenata moraju biti ovjerene od strane nadležnih upravnih organa, ovjerom ne starijom od 3 (tri) mjeseca od dana objavljivanja Javnog poziva na internet stranici Ministarstva za privredu Bosansko-podrinjskog kantona Goražde, oglasnoj tabli resornog ministarstva i Vlade BPK Goražde kao i putem medija.

VII KRITERIJI ZA OCJENU PRIJAVE I IZBOR KORISNIKA

Izbor korisnika finansijskih sredstava vrši komisija za izbor korisnika sredstava, koja ima zadatak da u skladu sa procedurama apliciranja, selekcije i evaluacije projekata i zahtjeva za sredstvima navedenim u „Programu podrške razvoju privatnim preduzećima i poduzetnicima sa područja Bosansko-podrinjskog kantona Goražde za 2023.godinu“ izvrši ocjenu i rangiranje korisnika grant finansijskih sredstava.

Komisiju za izbor korisnika sredstava imenuje ministar za privredu Bosansko-podrinjskog kantona Goražde.

VIII NAČIN PREUZIMANJA POTREBNE DOKUMENTACIJE

Potrebnu dokumentaciju za učešće na Javnom pozivu, pripremio je Ministarstvo za privredu Bosansko-podrinjskog kantona Goražde i ista se može preuzeti sa internet stranice Ministarstva www.mp.bpkg.gov.ba.

IX NAČIN PODNOŠENJA PRIJAVE

Prijave sa odgovarajućom dokumentacijom šalju se preporučenom poštom u zapečaćenim kovertama na adresu:

**Ministarstvo za privredu Bosansko-podrinjskog kantona Goražde
ul M.Tita 13, Goražde 73000**

sa naznakom:

za Javni poziv za odabir korisnika sredstava po „Programu podrške razvoju privatnim preduzećima i poduzetnicima sa područja Bosansko-podrinjskog kantona Goražde za 2023. godinu“, poseban cilj broj _____

„NE OTVARAJ“

Na poleđini koverte obavezno navesti naziv – ime podnosioca prijave, adresu i kontakt telefon i ovjeriti pečatom poslovnog subjekta.

Rok za dostavu prijava je 15 dana od dana objavljivanja Javnog poziva putem elektronskog medija, internet stranice Ministarstva za privredu Bosansko-podrinjskog kantona Goražde i oglasne table resornog ministarstva, a krajnji rok je 05.10.2023. godine do 16,00 sati.

Za treći cilj, javni poziv će biti otvoren do 15.12.2023.godine.

Za četvrti cilj, javni poziv će biti otvoren do 20.10.2023.godine.

Prijave primljene nakon isteka roka bit će odbačene i neće biti predmet razmatranja.

U postupku Javnog poziva Ministarstvo ne snosi nikakve troškove učesnicima u Javnom pozivu, te zadržava pravo da u slučaju opravdanosti prijavu prihvati, odbije ili poništi Javni poziv.

Prispjela dokumentacija neće se vraćati.

X OSTALE ODREDBE

Sa podnosiocima prijava čiji se projekti i zahtjevi odobre Ministarstvo za privredu Bosansko-podrinjskog kantona Goražde potpisuje Ugovor o utrošku finansijskih sredstava, kojim će se definisati međusobna prava i obveze ugovornih strana, a posebno način i dinamika korištenja dodijeljenih finansijskih sredstava, te nadzor nad utroškom istih u skladu sa „Programom podrške razvoju privatnim preduzećima i poduzetnicima sa područja Bosansko-podrinjskog kantona Goražde za 2023. godinu“.

Sve dodatne informacije vezane za ovaj Javni poziv mogu se dobiti svakim radnim danom na broj telefona: 038/228-640, u vremenu od 11-16 sati.

Broj: 04-11-1759-12/23

Goražde, 20. 09. 2023.godine

